

ի խորշակէն: Եւ մինչ ի հասարակել զիշերոյն մերձ ի Թէքիրտաղ հասանէաք, հանգիստ արարեալ անդ: Եւ առաւօտի երկրորդ ժամուն ելաք ի քաղաքն եւ կացաք մեծաւ պատվով ի Շաբաթ և ի կիրակէ, որ բարեկենդան Սուրբ Աստուածածնի (5 Օգոստ.)։ Յետ սրբոյ պատարագին բերել ետուն վարդապետքն զսուրբ խաչն, որ կայ ի նմա բեեռ խաչափայտին Քրիստոսի տախտակին, և երկրպագեցաք մեծաւ յուսով: Եւ հալեցեալ լինէաք մեծ վարդապետին և ոչ եկն, և ելեալ ուխտաւորօքն զնացին: Ելանէաք և մեք անտի Գշի (7 Օգոստ.) մերձ ի հասարակել աւուրն և հասանէաք յԱրակլիոյ երեկոյին: Եւ ընդգէմ գոլոյ վօռէաս հողմոյն, մնայաք անդէն զաւուրս Գ, և Զշի (10 Օգոստ.) գայաք երեկոյին ի Պղատոս կոչեցեալ գիւղն, որ յառաջ քան զՍիլիվրին կայ, վասնզի Բ անգամ ելաք յԱրակլիոյ և մի անգամ ի Պղատոսէ և յոյժ տագնապէաք ի յետս դարձուցանելն հողմոյն, և ոմանք ի մէնջ լային և ապա մեղմանայր օգնականութեամբ Սուրբ Կուսի Աստուածածնի, զի ի Պղատոսէ կալաք զայր ոմն յոյն նաւավար հմուտ, որ եկեալ նստաւ ի խելս նաւին ի ձեռին ունելով զղեկ, և ի Շաբաթի երեկոյին (11 Օգոստ.) ապա և հասաք ի Բիւզանդ, հասեալ մեծահանդէս տօնի Փոխման Սուրբ Աստուածածնի՝ մեծաւ հրճուանօք:

Իսկ յելս Օգոստոսի լու լինէր թէ արեգակն խաւարէր յառաւօտէ ցվեցերորդ ժամ աւուրն՝ տեսեալ ի քաղաքն Անդրիանէ: Այլ և ի պատերազմին՝ թէ ի Մաճար բազում զօրք Տաճկաց անկան զօրագլխօք և չօրպաճովք: Եւ յետ Ը աւուր եկն պատգամ եթէ առաւ մեծ բերգն Մաճարի ի ձեռացն Տաճկաց, որում անուռնն Վարատ ասի, վասն որոյ և մարդ յըզեալ աստ առ զայմախամն առնել տօնանմա. որ և արարին իսկ